



SLUŽBENI GLASNIK

OPĆINE KALESIJA

Godina: XXVI

Četvrtak, 19.12.2002. godine
K A L E S I J A

Broj 7

OPĆINSKO VIJEĆE

51

Na osnovu člana 61. Zakona o ustanovama («Sl. list RBiH», broj 6/92), člana 48. Zakona o socijalnoj zaštiti, zaštiti civilnih žrtava rata i zaštiti porodice sa djecom («Sl. novine TK», broj 12/00), te člana 16. i 17. Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom («Sl. novine TK, broj 5/02) i člana 36. Statuta općine Kalesija («Sl. glasnik općine Kalesija», broj 9/98), Općinsko vijeće Kalesija na sjednici održanoj dana 25.11.2002. godine, d o n o s i

ODLUKU

o zadržavanju prava osnivača prema javnoj ustanovi Centar za socijalni rad Kalesija

Član 1.

Općinsko vijeće Kalesija zadržava pravo osnivača prema Javnoj ustanovi Centar za socijalni rad Kalesija.

Član 2.

Javna ustanova Centar za socijalni rad Kalesija dužna je u roku od 90 dana od dana donošenja ove Odluke uskladiti Pravila ustanove i Pravilnik o organizaciji i sistematizaciji radnih mjesta.

Član 3.

Organ upravljanja u ustanovi je Upravni odbor koji ima predsjednika i četiri člana koje imenuje Načelnik općine u skladu sa Zakonom o ustanovama.

Član 4.

Poslove nadzora obavljaće Nadzorni odbor koji ima predsjednika i dva člana, a imenovanje istog vrši Načelnik općine u skladu sa Zakonom o ustanovama.

Član 5.

Sredstva za rad ustanove prema usaglašenom finansijskom planu svake godine obezbjeđuju se budžetom osnivača kao posebna pozicija i prenosiće se na račun ustanove mjesečno u skladu sa dinamikom punjenja budžeta.

Član 6.

Javna ustanova Centar za socijalni rad Kalesija će urediti organizaciju radnih mjesta i potreban broj stručnih radnika prema važećim normativima, odnosno prema broju stanovnika u skladu sa članom 52. Zakona o socijalnoj zaštiti, zaštiti civilnih žrtava rata i zaštiti porodice sa djecom Tuzlanskog kantona, uz prethodnu saglasnost osnivača.

Član 7.

Kantonalni sud u Tuzli na osnovu ove Odluke kao osnivačkog akta izvršiće sve neophodne promjene u sudskom registru po prijavi ustanove.

Član 8.

Ova Odluka stupa na snagu osmog dana od dana objavljivanja u «Službenom glasniku

općine Kalesija», a primjenjivaće se od 01. decembra 2002. godine.

Bosna i Hercegovine
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj: 01-05-2-3878/02
Datum, 26.11.2002. godine

Mehmed Suljkanović, dipl. ecc. s.r.

52

Na osnovu člana 10. i 29. Zakona o lokalnoj samoupravi («Sl. novine TPK», broj 6/98 i «Sl. novine TK», broj 13/99 i 7/02) i člana 36. Statuta općine Kalesija («Sl. glasnik općine Kalesija», broj 9/98 i 5/99), a u vezi sa članom 109. i 110. Zakona o privrednim društvima («Sl. novine FBiH», broj 23/99 i 45/00), Općinsko vijeće Kalesija, na sjednici od 25.11.2002. godine, d o n o s i

ODLUKU

o pristupanju osnivačima Agencije za ekonomski razvoj Birač regije – Breda

Član 1.

Ovom Odlukom reguliše se pristupanje općine Kalesija skupini osnivača Agencije za ekonomski razvoj Birač regije – Breda, koju sačinjavaju općine Srebrenica, Bratunac, Milići, Vlasenica, Zvornik, Osmaci i Kalesija.

Član 2.

Međusobna prava i obaveze osnivača Agencije bit će bliže regulisane Ugovorom o osnivanju, potpisanog od strane svih općina osnivača, a danom potpisa Ugovora općina Kalesija postaje punopravan član društva sa svim pravima i obavezama utvrđenim Zakonom i Ugovorom o osnivanju.

Član 3.

Agencija će biti upisana u Sudski registar kod nadležnog suda u Bijeljini kao društvo sa ograničenom odgovornošću.

Član 4.

Osnivački ulog općine Kalesija za osnivanje Agencije iznosi 5.000,00 KM.

Član 5.

Od 2003. godine i dalje općina Kalesija će podržavati rad Agencije izdvajanjem iznosa od 0,50% od planiranih sredstava u budžetu.

Član 6.

Ovlaštava se Općinski načelnik Kalesija da u ime općine Kalesija potpiše Ugovor o osnivanju društva, koji će biti pravni osnov za upis u sudski registar društva.

Član 7.

Ova Odluka stupa na snagu danom donošenja i bit će objavljena u «Službenom glasniku općine Kalesija».

Bosna i Hercegovine
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-3878/02
Datum, 26.11.2002. godine

PREDSJEDAVAJUĆI
OPĆINSKOG VIJEĆA

Mehmed Suljkanović, dipl. ecc. s.r.

53

Na osnovu člana 36. Statuta općine Kalesija («Sl. glasnik općine Kalesija», broj 9/98), člana 98. i člana 103. Poslovnika o radu Općinskog vijeća («Sl. glasnik općine Kalesija», 4/99), Općinsko vijeće Kalesija na 3. vanrednoj sjednici Općinskog vijeća Kalesija, održanoj 18.12.2002. godine, doneseni su slijedeći

ZAKLJUČCI

I

1. Zadužuje se Općinski načelnik da putem Službe za imovinsko pravne poslove izvrši brisanje prava korištenja dosadašnjih korisnika u C-listu ZK uloška u skladu sa Zakonom.

2. Zadužuje se Općinski načelnik da u ime Općine zaključi Ugovor sa investitorom o izdvajanju sredstava dobivenih prodajom zemljišta u Kalesiji Gradu za obezbjeđenje izgradnje stanova za 20 nosilaca stanarskog prava po rješenju Općinskog vijeća broj: 01-05-2-2543/02 od 09.09.2002. godine, kojim će biti izdvojena sredstva do 500 KM/m² za ukupnu kvadraturu, a preostali dio sredstava do nivoa humanosti iz vlastitih sredstava budžeta Općine, što podrazumijeva istu kvadraturu pojedinačno za svaku stambenu jedinicu sa kupatilom, kuhinjom i jednom sobom.

3. Zadužuje se Općinski načelnik da obezbijedi izjave nosilaca stanarskog prava ovjerene kod Općinskog suda u Kalesiji o njihovom prihvatanju naprijed navedenih uslova za rješavanje svog stambenog pitanja.

4. Ovlašćuje se Općinski načelnik da od sredstava dobivenih prodajom pomenutog zemljišta obezbijedi uplatu ukupne vrijednosti

stambenog fonda za 20 nosilaca stanarskog prava tj. ukupna kvadratura 1.013,52 m² x 500 KM/m² što ukupno iznosi 506.760,00 KM +sredstva do nivoa humanosti koja će se naknadno utvrditi u Budžetu općine Kalesija, a eventualno sredstva dobivena donacijom umanjila bi ulaganja budžetskih sredstava Općine u visini doniranog.

5. Nosioци stanarskog prava će otkup stanova vršiti u skladu sa važećim zakonskim propisima u FBiH.

II

Za realizaciju zaključka zadužuje se Općinski načelnik.

III

Zaključak stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-4018
Datum, 19.12.2002. godine

PREDSJEDAVALAČI
OPĆINSKOG VIJEĆA
Mehmed Suljkanović, dipl. ecc. s.r.

OPĆINSKI NAČELNIK

54

Na osnovu člana 32. Zakona o lokalnoj samoupravi («Sl. novine TPK-a», broj 6/98), člana 44. Statuta općine Kalesija («Sl. glasnik općine Kalesija», broj 9/98) i člana 24. Odluke o komunalnom redu («Sl. glasnik općine Kalesija», broj 7/2001), Načelnik općine Kalesija, d o n o s i

RJEŠENJE

o određivanju visine naknade za postavljanje reklama i reklamnih panoa na području općine Kalesija

Član 1.

Visina naknade za postavljanje natpisa, reklama, reklamnih ploča, reklamnih konstrukcija i panoa tima Jumbo, Ciri Light i sl. u gradu Kalesija, u zavisnosti od veličine istog iznosi:

- do 2 m² površine naprave 150,00 KM godišnje,
- od 2 do 5 m² površine naprave 70KM/m² površine naprave godišnje,
- od 5 do 10 m² površine naprave 50 KM/m² površine naprave godišnje,
- od 10 do 20 m² površine naprave 40 KM/m² površine naprave godišnje.

Postavljanje reklamnih naprava u gradu Kalesija iznad 20 m² površine nije dozvoljeno.

Član 2.

Visina naknade za postavljanje reklamnih naprava duž magistralnog puta Tuzla – Zvornik i regionalnog puta Živinice – Međaš iznosi 70% visine naknade iz člana 1. ovog Rješenja, a duž regionalnog puta Kalesija Gornja – Sapna 50% visine naknade iz člana 1. Rješenja.

Član 3.

Visina naknade iz člana 1 i 2. ovog rješenja za postavljanje reklamnih panoa i drugih naprava na fasadama objekata i drugim mjestima koja su pogodna za postavljanje reklamnih naprava iznosi u svemu kao i za slobodno stojeće objekte (slobodno stojeće reklamne naprave).

Član 4.

Ovo Rješenje stupa na snagu danom donošenja, a bit će objavljeno u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK
Broj: 02-05-2-1703
Datum, 21.05.2002. godine

OPĆINSKI NAČELNIK
Enver Jukanović s.r.

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
1. Odluka o zadržavanju prava osnivača prema javnoj ustanovi Centar za socijalni rad Kalesija	74	4. Rješenje o određivanju visine naknade za postavljanje reklama i reklamnih panoa na području općine Kalesija	76
2. Odluka o pristupanju osnivačima Agencije za ekonomski razvoj Birač regije – Breda	75		
3. Zaključak	75		